

Ibuku rĩa Ngai kũrĩ ciana
nĩrĩrakũrehera



Igũrũ, mũciĩ
mũthaka wa
Ngai



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩirio nĩ: Sarah S.

Rũtaũrĩtwo nĩ: Christian Lingua

Rũtungĩtwo nĩ: Bible for Children
www.M1914.org

©2020 Bible for Children, Inc.


Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Rĩrĩa Jesũ aatũraga thĩ, nĩerire arutwo ake ũhoro
wĩgĩĩ igũrũ. Agĩgwĩta "nyũmba ya Baba", na akĩmera
atĩ kũu kwĩ nyũmba nyingĩ, nene
na thaka mũno. Igũrũ nĩ
gũthaka mũno makĩria,
gũkĩra gũkũ
tũtũraga thĩĩno.



Jesũ akiuga, "Nĩngũthĩĩ kũmũharĩrĩria gĩikaro. Na ndamũthondekera gĩikaro kĩu, nĩngacooka ndĩmũnyite ũgeni kuo." Jesũ nĩambatire igũrũ thutha wa kũriũka kuma kũrĩ akuũ. Ambatirio arutwo ake mamwĩroreire, itu rĩkĩmwamũkĩra, makĩremwo nĩkũmuona rĩngĩ.



Kuma hĩndĩ ĩyo, arũmĩrĩri a Kristũ nĩmaririkanaga
kĩrĩkanĩro kĩa Jesũ gĩa gũkanacooka kũmagĩra. Jesũ
oigire nĩagacoka rĩrĩa aterĩgĩrĩirwo.

Gũkahuanĩka atĩa hiihi kũrĩ arĩa
magakorwo makuĩte atocokete?

Ibuku rĩa Ngai riugaga atĩ
magathĩĩ rĩmwe kwa rĩmwe
gũtũranie na Jesũ.

Gũkorwo mũndũ atarĩ
thĩinĩĩ wa mwĩrĩ,




HAMWE NA
MWATHANI

nĩgũkorwo e hamwe
na Mwathani.



Kũguũrĩrio, arĩrĩo ibuku rĩa mũico thĩinĩ wa Ibuku
rĩa Ngai, rĩtwĩraga ũrĩa igũrũ gwĩ kwa magegania.

Ūndũ ũrĩa wa kũgegania mũno makĩria nĩ atĩ, na njĩra
ya mwanya, igũrũ nĩkuo
mũciĩ kwa Ngai. Ngai
arĩ kũndũ guothe,
no gĩtĩ gĩake
kĩa ũthamaki
kĩrĩ igũrũ.




Araika o hamwe na ciũmbe ingĩ cirĩ
muoyo matũraga mathathayagia
Ngai kũu igũrũ. O ũguo noguo
andũ a Ngai othe arĩa marĩkĩtie
gũkua na magathĩ igũrũ mekaga.
Mainagĩra Ngai nyĩmbo cia
mwanya cia
kũmũgoca.




Ici nĩ ciugo imwe cia rwĩmbo rũmwe rũrĩa mainaga:
WE NĨWAGĨRĨIRE NĨTONDŪ NĨŪTŪKŪRĨITE
ŪGATŪHEANA KŪRĨ NGAI NA
NJĨRA YA THAKAME YAKU,
KUMA NDŪRĨRĨ CIOTHE
NA MABŪRŪRI MOTHE NA
ŪGATŪTUA ATHAMAKI NA
ATHĨNJĨRI
A NGAI
WITŪ.
(Kũguũrĩrio
5:9)




Ibuku rĩa Ngai rĩkĩrĩkĩrĩria, rĩtarĩirie igũrĩ
ta "Jerusalemu Njerũ". Nĩ itũra inene mũno
rĩthiũrũrũkĩirio nĩ rũthingo rũnene. Rũthingo rũu nĩ
rwa mahiga metagwo jasiperi na rũhuana ta gĩcicio
gĩtheru biũ.




Mũthingi wa rũthingo rũu wagemetio na mahiga ma goro mũno mahenahenagia marĩ ma marangi mathaka mũno. O kĩingĩrĩro kĩa itũra rũu gĩathondeketwo kuuma kwĩ ihiga inene biũ rĩa ruuru!



Cingĩrĩro icio cia ruuru citihingagwo. Reke
tũingĩre kuo twĩyonere ... HAIYA! Igũrũ nĩ gũthaka
mũno thĩinĩ ona gũkĩra nanja. Itũra rĩu rĩakĩtwo na
thahabu ĩrĩa theru biũ ĩrĩa ĩhuana ta gĩcicio gĩtheru.
Ona njĩra yarĩo
yakĩitwo na
thahabu.




Rũũĩ rũthaka na rũtheru mũno rwa maĩ ma muoyo
rũthereraga kuma gĩĩĩĩĩ kĩa ũthamaki kĩa Ngai.
Na mũena yothe ĩĩĩĩĩ ya rũũĩ rũu hena mũtĩ wa muoyo,
ũrĩa twaiguire ũhoru waguo mũgũndainĩ wa Edeni.
Mũtĩ ũyũ nĩwa mwanya mũno. Ūciaraga matunda
ma mũthembe ikũmi na ĩĩĩĩĩ, o mũthemba mwanya,
mweri o mweri. Na mahuti ma mũtĩ ũcio wa muoyo
nĩmakũhonia mabũrũri.




Igũrũ gũtibataranagia ũtheri wa riũa kana mweri.
Riiri wa Ngai we mwene ũiyũragia itũra rĩu na ũtheri
wa magegania. Kũu gũtitukaga.



Ona nyamũ iria irĩ kũu igũrũ nĩ cia mwanya. Ciothe nĩ horeri na nĩciendanĩte. Mĩthige na tũgongu irĩaga nyeki cĩĩ hamwe. Ona mĩrũthi ĩrĩa mĩnene ĩrĩaga nyeki ta ng'ombe. Mwathani oigĩte, "Itigatihania kana ciũragane kĩrĩmainĩ gĩakwa kĩrĩa gĩtheru."




O tūgīthī na mbere kwīrorera, kwī na indo tūtaronā
kūu igūrū. Gūtirī ciugo cia marakara ciiguĩkanaga
kuo. Gūtirī mūdũ ũraharana kana akeenda. Gūtirī
makuburi mĩrangoinĩ,
nĩtondũ igūrū
gūtirī aici.
Ningĩ gūtirī
andũ arĩa
maragia
maheni,
oragani,
arogi, kana
eki naĩ a
mũthemba ũngĩ
o wothe. Gūtirī
wĩhia o wothe kūu igūrū.



Kūu igūrū kwa Ngai gūtirī
kūrīra rīngī. Rīmwe andũ a
Ngai nīmarīraga nītondũ wa
kīeha kīingī kīrīa menakĩo
mūtūrīreinĩ ũyũ. Makinya
igūrū, Ngai nīakamagiria
maithori mothe.



Ningĩ igũrũ gũtirĩ gĩkuo. Andũ a Ngai magatũũra na Mwathani tene na tene. Gũtirĩ kĩahe, gũtirĩ kũrĩra ona kana kuigua ruo rĩngĩ. Gũtirĩ mĩrimũ, gũtirĩ gũtigana, ona kana mathiko. O mũndũ o wothe kũu igũrũ nĩmũkenu hĩndĩ ciothe, nĩtondũ wagũtũrania na Ngai.



Igūrũ rĩa mothe, igūrũ nĩ gwa tũhĩĩ na tũirĩtu
(ona ningĩ andũ agima) tũrĩa twĩtĩkĩtie Jesũ
Kristũ ta Mũhonokia watuo na tũkamwathĩkĩra
ta Mwathani watuo. Kũu igūrũ nĩkũrĩ ibuku
rĩtagwo ibuku rĩa Gatũrũme rĩa Muoyo.

Rĩiyũrĩte marĩtwa ma andũ.

Nĩũĩ marĩtwa ma andũ

arĩa mandĩkĩtwo
ibukuĩnĩ rĩu?

Andũ arĩa othe
mehokete
Jesũ.

Rĩtwa rĩaku rĩho?



Ciugo cia mũico cia Ibuku rĩa Ngai iria ciarĩtie
ũhoro wa igũrũ, nĩ cia kũnyita andũ ũgeni na njĩra
nene. "Nake Roho na mũhiki marauga, 'ũka!' Reke
ũrĩa ũkũigua oige, 'ũka!' Reke ũrĩa mũnyotu ooke.
Na ũrĩa wothe ũkwĩrirĩria, reke atahie maĩ ma muoyo

hatarĩ
marĩhi."



Igũrũ, mũciĩ mũthaka wa Ngai

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Johana 14; Akorintho wa Kerĩ 5;
Kũguũrĩrio 4, 21, 22

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũcĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

